

Fu posto, per li diti, la parte presa in Pregadi a di 5 di questo, zercha lo acompagnar i rectori etc., la copia sarà notada qui avanti. Et ave 333, 53, 13. *Iterum*: 771, 53, 1, et fu presa.

Fu posto *etiam*, per li diti, la parte presa in Pregadi a di 10 zercha li Consieri, non si fazi più se non ordenariamente. *Item*, li Consieri de la banca non baloti a Gran Consejo; la copia di le qual parte saranno notade qui avanti; fu presa. Ave 1376, 84, 0.

In questo zorno, verso la sera, fo grandissima pioza et tempesta.

301

*Exemplum.**Die 5 Mai 1520, in Rogatis.*

Sier Antonius Tronus procurator *sapiens Consilii*.

Essendo statuito per lege del nostro Mazor Consejo sotto di 28 Mazo 1480, che non possino andar oltra 10 zentilhomeni nostri ad acompagnar alcuno rector nostro che vadi al rezimento suo in conformità de la deliberation dil Consejo nostro di X; che incontra quelli i quali ritornano dai rezimenti, non possino andar se non barche 10 de parenti loro, non mancho è necessario limitar el numero de quelli che habino ad acompagnarli in Colejo, imperochè è introduta una consuetudine che eccessivo numero de zentilhomeni vanno a levarli de casa et li acompagnano a Palazzo, il che non è ben fato, nè si dia toller per conveniente respeto; et però bisognando provederli, ma neanche essendo oservata la parte sopradita, primo :

L'anderà parte che, salva et reservata essa parte de' 28 Mazo 1480, a quella sia agionto, per auctorità de questo Consejo, che ogni volta che li Avogadori saranno negligenti ad exequirla contra quelli i quali ardirano contrafar, sicome li è comesso, cadaun de loro incori in pena de ducati 100, et li Capi de XL superiori fazino la execution, senza altro Consejo, cussì contra li transgressori prediti, ponendoli debitori a Palazzo, nè loro possino esser depenadi se *cum* effecto non haverano satisfato essa pena a l'Arsenal nostro. *Deinde* sia statuito, che da qui a drieto alcuno retor, orator nostro, provedador, o altro che sia ritornato dal rezimento, legatione o altro officio suo de fuori che sia consueto et habi a venir in Colegio per referir, non possi esser acompagnato di major numero di 10 zentilhomeni di proprii parenti, over altramente congionti et intrinseci amici soi, sotto pena di ducati 100 a cadauno che oltra esso

numero de 10 li acompagnarà contra l'ordene presente.

Se die obviar *etiam* ad uno desordene, che quando alcuno di sopraditi ha finito de referir, molti dei Conseglieri se levano dai suoi lochi et lo acompagnano fuori fino a la scala; et però soto la pena medesima de ducati 100, sia proibito a cadaun del Colegio nostro de levarse et andar, sicome è dito, ad acompagnar alcuno de i dicti rectori et altri che havesseno referito. *Præterea*, essendo necessario remover certa consuetudine introduta, che quando alcuno Sopracomito nostro mete banco molti del Colegio nostro si levano et vano ad onorarli con le presentie soe, dal che succede impedimento et disturbo a le cose che se hanno a tratar, pertanto sia preso et deliberato, che *de cætero* quelli del Colegio nostro, sicome per le leze li è proibito andar a noze, le qual siano confirmate et se debano oservar soto le pene in quello contenute, cussì più non possino conferirse a l'Armamento per onorar alcuno Sopracomito che meterà banco, et cadauno contrafacente se intendi esser in corso in la pena sopra serita de ducati 100. La executione veramente sia comessa de tutte le cose predite a li Avogadori nostri di Comun et cadaun di loro senza altro Consejo; et essendo loro negligenti, a li Capi de' XL sopraditi, soto la pena et con li modi che è ditto di sopra circha l'ordene dito a compagnar i rectori a li rezimenti; nè vaglii la parte presente se la non sarà presa nel nostro Mazor Consejo.

† De parte . . . 107

De non . . . 78

Non sincere . . 0

Die 20 dicto in Majori Consilio.

Sier Andreas Basadona, sier Andreas Mudazio, sier Nicolaus Venerio, sier Hironimus de Pisauro, sier Sebastianus Maurus, *consilarii*.

Posita fuit suprascripta pars et habuit prima vice:

De parte . . . 333

De non . . . 53

Non sincere. . 13

Iterum (balotata)

† De parte . . . 771

De non . . . 53

Non sincere. . 1

301*